

სამოქალაქო ბიუჯეტი ზუგდიდში
საპროექტო ინიციატივების შერჩევა არჩევნების წესით

დოკუმენტაცია:

- 1) ზუგდიდის მუნიციპალიტეტის საკრებულოს 2019 წლის 5 ივლისის დადგენილება №24 ზუგდიდის მუნიციპალიტეტის სამოქალაქო ბიუჯეტის საბჭოს შექმნისა და საქმიანობის წესის დამტკიცების თაობაზე;
- 2) ზუგდიდის მუნიციპალიტეტის „სამოქალაქო ბიუჯეტი“-ს ფორმირების წესი;
- 3) სამოქალაქო ბიუჯეტის საპროექტო ინიციატივის განაცხადის ფორმა.

ზუგდიდის მუნიციპალიტეტის საკრებულოს

დადგენილება №24

2019 წლის 5 ივლისი

ქ. ზუგდიდი

ზუგდიდის მუნიციპალიტეტის სამოქალაქო ბიუჯეტის საბჭოს შექმნისა და საქმიანობის წესის დამტკიცების თაობაზე

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი ნაწილის „ბ“ პუნქტის „ბ.თ“ ქვეპუნქტის და 85-ე მუხლის, საქართველოს ორგანული კანონის „ნორმატიული აქტების შესახებ“ მე-20 მუხლის შესაბამისად, ზუგდიდის მუნიციპალიტეტის საკრებულო ადგენს:

მუხლი 1

დამტკიცდეს თანდართული ზუგდიდის მუნიციპალიტეტის სამოქალაქო ბიუჯეტის საბჭოს შექმნისა და საქმიანობის წესი.

მუხლი 2

დადგენილება ამოქმედდეს გამოქვეყნებისთანავე.

ზუგდიდის მუნიციპალიტეტის
საკრებულოს თავმჯდომარე

მამუკა წოწერია

დანართი

ზუგდიდის მუნიციპალიტეტის სამოქალაქო ბიუჯეტის საბჭოს შექმნისა და საქმიანობის წესი

„სამოქალაქო ბიუჯეტის საბჭოს“ მიზანია ზუგდიდის მუნიციპალიტეტის ადგილობრივი ბიუჯეტის ფორმირებისას ჩართულ იქნეს სამოქალაქო ინიციატივები, მომავალი გეგმების განსაზღვრისას გათვალისწინებულ იქნეს საზოგადოებრივი ინტერესები, მიეცეს ზუგდიდის მუნიციპალიტეტის ტერიტორიაზე რეგისტრირებულ მოქალაქეებს, საინიციატივო ჯგუფებსა და იურიდიულ პირებს შესაძლებლობა, თვითონ შეიმუშაონ და განსაზღვრონ კონკრეტულ დასახლებაში, უბანში არსებული პრიორიტეტული პროექტები.

მუხლი 1. ზოგადი დებულებანი

1. წესი შექმნილია საქართველოს კონსტიტუციის, საქართველოს ორგანული კანონის „ადგილობრივი თვითმმართველობის კოდექსი“ შესაბამისად და განსაზღვრავს ზუგდიდის მუნიციპალიტეტის საკრებულოს სათათბირო ორგანოს – „სამოქალაქო ბიუჯეტის საბჭოს“ (შემდგომში „საბჭო“) კომპეტენციას, მისი შექმნისა და საქმიანობის წესს, ადგილობრივი თვითმმართველობის ორგანოს საქმიანობის გამჭვირვალობის და თვითმმართველობის ბიუჯეტის ფორმირების პროცესში მოქალაქეთა ჩართულობის უზრუნველყოფის ღონისძიებების განხორციელების მიზნით.

2. საბჭოს შემადგენლობაში შედიან ზუგდიდის მუნიციპალიტეტის მერიის საჯარო მოხელე/ები, ზუგდიდის მუნიციპალიტეტის საკრებულოს წარმომადგენელი/ები, არასამთავრობო ორგანიზაციების წარმომადგენელი/ები და ადგილობრივი მოსახლეობის წარმომადგენელი/ები.

3. საბჭო შედგება არაუმეტეს 15 წევრისაგან.

4. საბჭოს შემადგენლობა განისაზღვრება ზუგდიდის მუნიციპალიტეტის საკრებულოს თავმჯდომარის ბრძანებით.

ზუგდიდის მუნიციპალიტეტის საკრებულოს 2019 წლის 2 აგვისტოს დადგენილება №29 - ვებგვერდი, 06.08.2019წ.

მუხლი 2. საბჭოს უფლებამოსილება

1. საბჭო უფლებამოსილია, „სამოქალაქო ბიუჯეტის“ მომზადების ეტაპზე, განიხილოს ზუგდიდის მუნიციპალიტეტის საკრებულოსა და მერიაში შემოსული საპროექტო განცხადებები (შემდგომში „პროექტი“), შეამოწმოს განცხადებების სისწორე შემდეგი კრიტერიუმების გათვალისწინებით: სამართლებრივი ასპექტები (არის თუ არა მუნიციპალიტეტი უფლებამოსილი განხორციელოს წარმოდგენილი პროექტი), ტექნიკური ასპექტები (რამდენად შესაძლებელია პროექტის განხორციელება), ფინანსური ასპექტები (წარმოდგენილი



პროექტის სავარაუდო ღირებულების შეფასება), პროექტის განხორციელების ვადები, ემსახურება თუ არა პროექტის განხორციელება საზოგადოებრივ ინტერესს; საჭიროების შემთხვევაში პროექტის განხილვისას მოიწვიოს პროექტის ავტორი.

2. საბჭო უფლებამოსილია პროექტის მიმდინარეობისას შეამოწმოს მოქალაქეთა მიერ წარმოდგენილი ინიციატივები კონკრეტულ დასახლებაში წარმოდგენილი პროექტის განხორციელების თაობაზე, ზემოთ აღნიშნული კრიტერიუმების გათვალისწინებით.

3. 2020 წელს „სამოქალაქო ბიუჯეტის“ პროექტის განხორციელებისათვის მუნიციპალიტეტის მიერ ადგილობრივი ბიუჯეტიდან გამოყოფილი საერთო თანხა შეადგენს 1 000 000 (ერთი მილიონი) ლარს, რომელიც თანაბრად გადანაწილდება ზუგდიდის მუნიციპალიტეტის ქალაქის ადმინისტრაციული ერთეულის ხუთ ზონაზე (თითოეულისთვის 200 000 ათასი ლარი).

სამოქალაქო ბიუჯეტის განხორციელება მოიცავს შემდეგ ეტაპებს:

ა) საინფორმაციო კამპანია;

ბ) პროექტების შემუშავება და წარდგენა;

გ) პროექტების ვერიფიკაცია;

დ) სამოქალაქო ბიუჯეტის საპროექტო ინიციატივებზე საბოლოო გადაწყვეტილების მიღების მიზნით ფარული კენჭისყრის პროცედურა;

ე) ადგილობრივ ბიუჯეტში ასახვა;

ვ) პროექტის განხორციელება, შეფასება და მონიტორინგი.

4. საპროექტო წინადადებების წარდგენა შესაძლებელია საბიუჯეტო წლის პირველი აგვისტოდან პირველ სექტემბრამდე.

5. საბჭო უფლებამოსილია გამოავლინოს ვერიფიცირებული პროექტი მიმდინარე საბიუჯეტო წლის პირველი სექტემბრიდან პირველ ოქტომბრამდე (ვერიფიცირებული პროექტის განხორციელება უნდა მოხდეს მომდევნო წლის ბიუჯეტით).

6. მოქალაქეთა ინიციატივები განხილვის მიზნით წარედგინება საბჭოს. საბჭო თავის სხდომებზე შემოსული საპროექტო განაცხადებს განიხილავს, შეისწავლის და სრული შემადგენლობის უმრავლესობით იღებს დასკვნებსა და რეკომენდაციებს. მიღებულ გადაწყვეტილებებს გადაუზღავნის ზუგდიდის მუნიციპალიტეტის მერს წინადადებების ბიუჯეტის პროექტში გათვალისწინების მიზნით.

ზუგდიდის მუნიციპალიტეტის საკრებულოს 2019 წლის 2 აგვისტოს დადგენილება №29 - ვებგვერდი, 06.08.2019წ.

მუხლი 3. საბჭოს სტრუქტურა და საქმიანობის წესი

1. საბჭო შედგება საბჭოს წევრთაგან მათ შორისაა საბჭოს თავმჯდომარე, მოადგილე და მდივანი. საბჭოს შემადგენლობა განისაზღვრება ზუგდიდის მუნიციპალიტეტის საკრებულოს თავმჯდომარის ბრძანებით.

2. საბჭოს თავმჯდომარე უფლებამოსილია:

ა) უხელმძღვანელოს საბჭოს მუშაობას, მოიწვიოს და გაუძღვეს საბჭოს სხდომებს;

ბ) კოორდინაცია გაუწიოს საბჭოს საქმიანობას;

გ) ხელი მოაწეროს საბჭოს სხდომის ოქმებს;

დ) დაამტკიცოს საბჭოს სხდომაზე განსახილველ საკითხთა ნუსხა და დღის წესრიგი, აკონტროლოს მისი სამუშაო გეგმისა და მიღებული გადაწყვეტილების შესრულება;

ე) შეასრულოს საბჭოს წარმომადგენლობითი ფუნქცია;

ვ) არსებული საჭიროებებიდან გამომდინარე მოიწვიოს საბჭოს სხდომა და საბჭოს სხდომამდე არანაკლებ 2 დღით ადრე აცნობოს აღნიშნულის შესახებ საბჭოს წევრებს და დაინტერესებულ სუბიექტებს;



ზ) სხდომა გამოაცხადოს გახსნილად, წარადგინოს დღის წესრიგით განსაზღვრული საკითხები და სხდომა გამოაცხადოს დახურულად;

თ) საბჭოს თავმჯდომარე, ისევე როგორც საბჭოს სხვა წევრები, სარგებლობს კონკრეტული საკითხის განხილვისას ერთი ხმის უფლებით;

ი) საბჭოს თავმჯდომარე უფლებამოსილია საბჭოს სხდომაზე მონაწილეობის მიღების მიზნით მოიწვიოს სპეციალისტი, რომელმაც შეიძლება ისარგებლოს სათათბირო ხმის უფლებით.

3. საბჭოს თავმჯდომარის არყოფნის შემთხვევაში მის ფუნქციებს ასრულებს საბჭოს თავმჯდომარის მოადგილე.

4. საბჭოს საქმიანობის ორგანიზებულ-ტექნიკურ უზრუნველყოფას ახორციელებს საკრებულოს აპარატი.

5. საბჭოს მდივანი:

ა) ადგენს დღის წესრიგს და დასამტკიცებლად წარუდგენს თავმჯდომარეს;

ბ) ადგენს საბჭოს სხდომის ოქმს, რომელსაც ხელს აწერს საბჭოს თავმჯდომარე, საბჭოს წევრები და ასევე ის პირები, რომლებიც ამ სხდომაზე სათათბირო ხმის უფლებით სარგებლობდნენ.

6. საბჭოს წევრი:

ა) მონაწილეობას იღებს საბჭოს სხდომებში;

ბ) აფიქსირებს სრულყოფილ პოზიციას დღის წესრიგით გათვალისწინებულ თითოეულ საკითხზე და სარგებლობს ერთი ხმის უფლებით;

გ) ხელს აწერს საბჭოს სხდომის ოქმს.

7. მოწვეულ სპეციალისტზე ვრცელდება ამ მუხლის მე-6 პუნქტით გათვალისწინებული უფლება-მოვალეობები.

8. საბჭოს წევრებს უნდა მიეცეთ აცილება საკითხის განხილვაში მონაწილეობისაგან, თუ ცნობილი გახდა ან დადასტურდება მათი პირდაპირი ან ირიბი, კერძო ან უწყებრივი დაინტერესება საბჭოში განსახილველ საკითხთან დაკავშირებით.

9. საბჭოს წევრს უფლებამოსილება უწყდება:

ა) პირადი განცხადების საფუძველზე;

ბ) უხეშად არღვევს მასზე დაკისრებულ მოვალეობებს;

გ) გამოიჩინა აშკარა მიკერძოებული დამოკიდებულება განსახილველ საკითხთან დაკავშირებით;

დ) კანონიერ ძალაში შევიდა სასამართლოს გამამტყუნებელი განაჩენი ან გადაწყვეტილება, რომელიც შეუძლებელს ხდის საბჭოს წევრის მხრიდან მასზე დაკისრებული მოვალეობების შესრულებას;

ე) სასამართლომ აღიარა მხარდაჭერის მიმღებად ან უგზო-უკვლოდ დაკარგულად ან გამოცხადდა გარდაცვლილად;

ვ) გარდაიცვალა;

ზ) კანონმდებლობით განსაზღვრული სხვა გარემოებების არსებობისას, რაც შეუძლებელს ხდის საბჭოში წევრის უფლებამოსილების განხორციელებას.

10. სხდომის ოქმს არაუგვიანეს 5 დღის ვადაში საბჭო წარუდგენს მუნიციპალიტეტის საკრებულოს თავმჯდომარეს.

11. საბჭო იკრიბება არსებული საჭიროებისას, მაგრამ არანაკლებ ერთხელ კალენდარული წლის განმავლობაში



საბჭოს თავმჯდომარის ან/და საბჭოს წევრთა 1/3-ის მოთხოვნის შემთხვევაში. საბჭო უფლებამოსილია შეუდგეს მუშაობას თუ მას ესწრება წევრთა სრული შემადგენლობის ნახევარზე მეტი. საბჭოს სხდომის დღის წესრიგი შედგება მოქალაქეთა მიერ წარმოდგენილი საპროექტო განცხადებების შესაბამისად.

ზუგდიდის მუნიციპალიტეტის საკრებულოს 2019 წლის 2 აგვისტოს დადგენილება №29 - ვებგვერდი, 06.08.2019წ.

მუხლი 4. (ამოღებულია)

ზუგდიდის მუნიციპალიტეტის საკრებულოს 2019 წლის 2 აგვისტოს დადგენილება №29 - ვებგვერდი, 06.08.2019წ.

მუხლი 5. (ამოღებულია)

ზუგდიდის მუნიციპალიტეტის საკრებულოს 2019 წლის 2 აგვისტოს დადგენილება №29 - ვებგვერდი, 06.08.2019წ.

მუხლი 6. ანგარიშვალდებულება

საბჭო ანგარიშვალდებულია ზუგდიდის მუნიციპალიტეტის საკრებულოს წინაშე.



დამტკიცებულია ზუგდიდის მუნიციპალიტეტის
სამოქალაქო ბიუჯეტის საბჭოს მიერ

ზუგდიდის მუნიციპალიტეტის
„სამოქალაქო ბიუჯეტი“-ს 2019 წლის 19 ივლისის
ფორმირების წესში ცვლილების შეტანის თაობაზე

შესავალი - პროცესის ზოგადი იდეის აღწერა

სამოქალაქო ბიუჯეტი დემოკრატიის ერთ-ერთი უმნიშვნელოვანესი ელემენტია, რომელიც მიზნად ისახავს საზოგადოების ჩართულობას მათთვის ყველაზე მნიშვნელოვანი საკითხების გადაწყვეტის პროცესში. ამ მიზნის მისაღწევად საუკეთესო სფეროა თვითმმართველობის ფინანსური პოლიტიკის თანამონაწილეობითი ფორმირება და მისი მეშვეობით მუნიციპალიტეტის განვითარების მიმართულებების განსაზღვრა. რაც საბოლოო ჯამში უზრუნველყოფს საბიუჯეტო სახსრების განაწილებაში მოსახლეობის ჩართულობის ზრდას.

სამოქალაქო ბიუჯეტი არის პროცესი, რომელიც საზოგადოებას საშუალებას აძლევს მონაწილეობა მიიღოს მუნიციპალიტეტის ბიუჯეტის დაგეგმვაში. სამოქალაქო ბიუჯეტის მეშვეობით მოქალაქეებს შეუძლიათ თვითონ გადაწყვიტონ, თუ რაში დაიხარჯება მუნიციპალიტეტის ბიუჯეტიდან გამოყოფილი გარკვეული თანხები.

მუნიციპალიტეტის ბიუჯეტის განაწილებისა და ხარჯვის პროცესში მოქალაქეების ინტერესების გათვალისწინება სულ უფრო მეტ მნიშვნელობას იძენს თანამედროვე დემოკრატიული მმართველობისა და მოქალაქეთა ჩართულობისათვის. ზუგდიდის მუნიციპალიტეტის მიერ ადგილობრივი ბიუჯეტიდან გამოყოფილი გარკვეული ფულადი სახსრები საშუალებას მისცემს მუნიციპალიტეტის მაცხოვრებლებს თავად დაგეგმონ და განახორციელონ მათთვის მნიშვნელოვანი პროექტები, ასევე თვალყური ადევნონ მათ განვითარებას. შესაბამისად, სამოქალაქო ბიუჯეტი არის თვითმმართველობის განხორციელების და განვითარების ეფექტური ინსტრუმენტი, რომელიც ეფუძნება ხელისუფლებისა და მოსახლეობის ურთიერთთანამშრომლობას.

1. ორგანიზაციული საკითხები—სამოქალაქო ბიუჯეტისთვის თანხის გამოყოფა, მუნიციპალიტეტის ზონებად დაყოფა და თანხის განაწილება, პროცესში ჩართული პირები (პროცესის კოორდინაციის სტრუქტურა)

1.1 პროცესის განსახორციელებლად ზუგდიდის მუნიციპალიტეტის ქალაქ ზუგდიდის ტერიტორია იყოფა 5 ზონად:

- პირველი ზონა** - ეგრისის ადმინისტრაციული ერთეული;
- მეორე ზონა** - კოლხეთის ადმინისტრაციული ერთეული;
- მესამე ზონა** - მაცხოვრისკარის ადმინისტრაციული ერთეული;
- მეოთხე ზონა** - ოდიშის ადმინისტრაციული ერთეული;
- მეხუთე ზონა** - ენგურის ადმინისტრაციული ერთეული.

ზონების მიხედვით ქალაქ ზუგდიდის ქუჩების ჩამონათვალი წარმოდგენილია დანართი №1-ის სახით.

1.2 2020 წელს "სამოქალაქო ბიუჯეტის" პროცესის განხორციელებისთვის გამოყოფილი საერთო თანხა შეადგენს 1 000 000 (ერთი მილიონი) ლარს, თითოეული ზონისთვის 200 000 (ორასი ათასი) ლარს.

1.3 მუნიციპალიტეტში მოქალაქეთა კოორდინაციისა და ინფორმირებულობის უზრუნველსაყოფად იქმნება „სამოქალაქო ბიუჯეტის საბჭო“ და თითოეულ ზონაში საბჭოს გადაწყვეტილებით (აქტის ფორმა) დაინიშნება თითო კოორდინატორი.

1.3.1 „სამოქალაქო ბიუჯეტის საბჭო“-ს შემადგენლობაში შედიან მუნიციპალიტეტის მერიის, საკრებულოს, არასამთავრობო ორგანიზაციებისა და სამოქალაქო საზოგადოების წარმომადგენლები.

საბჭოს ფორმირება განისაზღვრება საკრებულოს მიერ.

„სამოქალაქო ბიუჯეტის საბჭო“-ს ამოცანაა პროცესისა და რეგულაციების მომზადებაში ჩართვა, ასევე დახმარების გაწევა სამოქალაქო ბიუჯეტის ეტაპების განხორციელებისას, განსაკუთრებით, მონაწილეობის მიღება საინფორმაციო კამპანიის წარმოებაში, პროექტების შემოწმებაში და ამოსარჩევი სიის შედგენაში, კენჭისყრის პროცესზე დაკვირვება, მთელი პროცესის მონიტორინგი.

1.3.2 ზონის კოორდინატორი უნდა აკმაყოფილებდეს შემდეგ მოთხოვნებს:

- საზოგადოებრივ ცხოვრებაში აქტიურად მონაწილე პიროვნება;
- სრულწლოვანი;
- ფაქტიურად უნდა ცხოვრობდეს იმ ზონაში, რომლის კოორდინატორადაც აირჩევა.

ზონის კოორდინატორი შესაბამის ზონაში საკრებულოს მაჟორიტარ დეპუტატთან, „სამოქალაქო ბიუჯეტის საბჭო“-ს წევრებთან და მერის წარმომადგენელთან ერთად ახორციელებს პროგრამის ფარგლებში განსაზღვრულ საქმიანობას. კერძოდ:

- მოსახლეობის ინფორმირება ყველა ეტაპზე;

- დახმარების გაწევა პროექტების წერაში და განაცხადის შევსებაში;
- პროექტების შერჩევის პროცედურის განხორციელების ტექნიკური მხარდაჭერა.

2. ვის შეუძლია მონაწილეობის მიღება

2.1 „სამოქალაქო ბიუჯეტი“-ს პროცესში მონაწილეობის უფლება აქვს ნებისმიერ ფიზიკურ პირს. პროექტის ავტორი არ უნდა იყოს „სამოქალაქო ბიუჯეტის საბჭო“-ს წევრი ან კოორდინატორი.

2.2 მოქალაქის მიერ წარმოდგენილი პროექტების რაოდენობა არ უნდა აღემატებოდეს ერთს.

2.3 პროექტების წარმოდგენის პერიოდია: 01 აგვისტოდან 01 სექტემბრის ჩათვლით.

3. სამოქალაქო ბიუჯეტის განხორციელების წესი - ეტაპები და ვადები

I ეტაპი - საინფორმაციო კამპანია

საინფორმაციო კამპანია უნდა დაიწყოს პროცესის დაწყებამდე და გაგრძელდეს ყოველ მომდევნო ეტაპზე.

„სამოქალაქო ბიუჯეტი“-ს პროცესის განხორციელების საწყის ეტაპზე ზონის კოორდინატორი, შესაბამის ზონაში საკრებულოს მაჟორიტარ დეპუტატთან, მერის წარმომადგენელთან და „სამოქალაქო ბიუჯეტი“-ს საბჭოს წევრებთან ერთად მართავს საინფორმაციო შეხვედრებს მოსახლეობასთან, აწვდის ინფორმაციას „სამოქალაქო ბიუჯეტი“-ს პროცესის არსის, მიზნებისა და შესაძლებლობების შესახებ.

II ეტაპი - პროექტების შემუშავება და წარდგენა

პროექტის წარდგენის უფლება აქვს ნებისმიერ ფიზიკურ პირს.

ამ ეტაპზე უპირველეს ყოვლისა იმართება პროექტების წერის მართონი, რომლის ფარგლებშიც კოორდინატორები „სამოქალაქო ბიუჯეტის საბჭო“-ს წევრებთან და არასამთავრობო ორგანიზაციებთან ერთად დაინტერესებულ პირებს გაუწევენ დახმარებას პროექტის მომზადებაში, მისცემენ რეკომენდაციებს, უპასუხებენ მათ შეკითხვებს. დაინტერესებულ პირებს კონსულტაციების მიღება შეუძლიათ ასევე ტელეფონით: +995 599 84 41 88.

საბოლოოდ, პირი შევსებულ სააპლიკაციო ფორმას წერილობით ან ელექტრონული ფორმით (აგზავნის საბჭოს ელ. ფოსტაზე: sbzugdidi@gmail.com) წარმოადგენს ზუგდიდის მუნიციპალიტეტის საკრებულოში „სამოქალაქო ბიუჯეტი“-ს ფარგლებში გამოცხადებულ პროექტში მონაწილეობის მიღების მიზნით.

წარმოდგენილი საპროექტო ინიციატივა უნდა აკმაყოფილებდეს ქვემოთ ჩამოთვლილ კრიტერიუმებს:

- მისი განხორციელება უნდა შედიოდეს ზუგდიდის მუნიციპალიტეტის კომპეტენციაში;
- ღირებულება არ უნდა აღემატებოდეს სამოქალაქო ბიუჯეტის ფარგლებში თითო ზონისთვის გამოყოფილ თანხას;
- განკუთვნილი უნდა იყოს „სამოქალაქო ბიუჯეტი“-ს ფორმირებისთვის გამოყოფილი რომელიმე ერთი ზონისთვის (ეგრისი, კოლხეთი, მაცხოვრისკარი, ოდიში, ენგური);
- უნდა ემსახურებოდეს საზოგადოების კეთილდღეობას;
- პროექტის განხორციელება შესაძლებელი უნდა იყოს ერთი საბიუჯეტო წლის განმავლობაში;
- წარმოდგენილი უნდა იყოს წერილობითი ან/და ელექტრონული ფორმით რეგულაციებით განსაზღვრული სახით (ელ. ფოსტის მისამართი: sbzugdidi@gmail.com), რომელსაც ხელს აწერს პროექტის ავტორი (არასრულწლოვნის შემთხვევაში მისი მეურვე) და ინიციატივის არანაკლებ 30 მხარდამჭერი;
- პროექტის განხორციელების ადგილი უნდა იყოს ზუგდიდის მუნიციპალიტეტის საკუთრებაში.

საპროექტო ინიციატივის ფორმა უნდა მოიცავდეს: ინფორმაციას მისი ავტორის შესახებ, პროექტის დასახელებას, განხორციელების ადგილის მისამართს და საკადასტრო კოდს, სავარაუდო განზომილებით რაოდენობას, პრობლემის გადაწყვეტას, ბენეფიციართა ვინაობასა და სავარაუდო რაოდენობას, მოკლე აღწერას, სავარაუდო ღირებულებით მაჩვენებლებს, პროექტის განხორციელების ვადას.

მოქალაქე შევსებულ ფორმას წერილობითი ან ელექტრონული სახით აგზავნის მუნიციპალიტეტის სამოქალაქო ბიუჯეტის საბჭოს ელექტრონული ფოსტის მისამართზე: sbzugdidi@gmail.com ან ზუგდიდის მუნიციპალიტეტის საკრებულოს კანცელარიაში მისამართზე: 2100, ქალაქი ზუგდიდი, ზ. გამსახურდიას გამზირი №45.

შემოსული საპროექტო ინიციატივების სია გამოქვეყნდება მუნიციპალიტეტის ვებ-გვერდზე და სხვა შესაძლო საინფორმაციო არხების მეშვეობით (სოციალური ქსელები, მასმედია).

III ეტაპი - პროექტების ვერიფიკაცია

სააპლიკაციო ფორმების მიღების შემდეგ, საბჭოსთვის წარდგენილი საკითხი რეგისტრირდება „სამოქალაქო ბიუჯეტის საბჭო“-ს დღის წესრიგში, რომელსაც განიხილავს უახლოეს სხდომაზე;

„სამოქალაქო ბიუჯეტის საბჭო“ მოქალაქეთა მიერ წარმოდგენილ ინიციატივებს განიხილავს შემდეგი კრიტერიუმების მიხედვით:

- სამართლებრივი ასპექტები (უფლებამოსილია თუ არა მუნიციპალიტეტი განახორციელოს წარმოდგენილი პროექტი);
- ტექნიკური ასპექტები (რამდენად შესაძლებელია პროექტის განხორციელება);
- ფინანსური ასპექტები (წარმოდგენილი პროექტის სავარაუდო ღირებულების შეფასება);
- პროექტის განხორციელების ვადები.

თუ საპროექტო ინიციატივა არ აკმაყოფილებს რომელიმე ზემოთაღნიშნულ კრიტერიუმს, საბჭო უფლებამოსილია გამოავლინოს ხარვეზები და კოორდინატორის მეშვეობით სთხოვოს ავტორს გამოსწოროს ისინი. გამოსწორების ვადა არ უნდა აღემატებოდეს პროექტის ავტორისთვის შენიშვნების გაცნობიდან 5 კალენდარულ დღეს. აღნიშნულ ვადაში მათი გამოუსწორებლობის შემთხვევაში, განაცხადი უარყოფილ იქნება შესაბამისი დასაბუთებით.

იმ შემთხვევაში თუ ვერიფიცირებული პროექტების საერთო ღირებულება, რომლებიც უნდა განხორციელდეს კონკრეტულ ზონაში აჭარბებს „სამოქალაქო ბიუჯეტი“-ს ფარგლებში ზონისთვის გამოყოფილ თანხას, საბჭო აცხადებს არჩევნებს პრიორიტეტული პროექტის/პროექტების ფარული კენჭისყრის წესით გამოსავლენად.

თუ ზონის მიხედვით წარმოდგენილი პროექტების საერთო ღირებულება არ აჭარბებს გამოყოფილ 200 000 (ორასი ათასი) ლარს არჩევნები არ ტარდება და პროექტები ავტომატურად გადაეცემა ზუგდიდის მუნიციპალიტეტის მერიას, მათი მომავალი წლის ბიუჯეტში ასახვის მიზნით.

ვერიფიკაციის შედეგები, გადაწყვეტილება საპროექტო ინიციატივის მომდევნო ეტაპზე გადასვლის ან უარყოფის შესახებ, სამართლებრივი, ტექნიკური და ფინანსური ასპექტების გათვალისწინებით, ვერიფიკაციის დასრულებიდან არაუგვიანეს 5 დღისა უნდა იყოს გამოქვეყნებული ოფიციალურ ვებ-გვერდზე და გავრცელებული სხვა შესაძლო საინფორმაციო არხების მეშვეობით (სოციალური ქსელები, მედია), ასევე უნდა ეცნობოს ავტორებს.

IV ეტაპი - ზუგდიდის მუნიციპალიტეტის ზონებში სამოქალაქო ბიუჯეტის საპროექტო ინიციატივებზე საბოლოო გადაწყვეტილების მიღების მიზნით ფარული კენჭისყრის პროცედურა

მოსახლეობის მიერ პროექტების შერჩევა ხორციელდება კენჭისყრის საფუძველზე,

საპროექტო ინიციატივებზე ხმის მიცემის პროცედურა განხორციელდება ფარული კენჭისყრის საფუძველზე 2019 წლის 04 ოქტომბრიდან 25 ოქტომბრამდე შუალედში განსაზღვრულ რომელიმე დღეს ქალაქ ზუგდიდში - იმ ზონებში სპეციალურად გამოყოფილ დანიშნულების პუნქტებში, სადაც სამოქალაქო ბიუჯეტის პროცესის ფარგლებში შემოსული პროექტების ჯამური ღირებულება გადააჭარბებს ზონისთვის გამოყოფილ თანხას. კენჭისყრის ადგილები განისაზღვრება მუნიციპალიტეტის მიერ შესაბამის ზონაში მერის წარმომადგენელთან და კოორდინატორთან წინასწარი შეთანხმების შემდეგ. კენჭისყრა იმართება არჩევნების (კენჭისყრის) დღის 11:00 საათიდან 19:00 საათამდე.

კენჭისყრის ყველა ზონაში გაიხსნება ერთი ადგილი მაინც, სადაც მოსახლეობა შეძლებს აირჩიოს სასურველი პროექტი. კენჭისყრის ადგილები უნდა განთავსდეს ღია ცის ქვეშ ან შენობებში, შესაბამისი ზონის ცენტრში. კენჭისყრის ჩატარების ადგილი ცნობილი უნდა იყოს კოორდინატორისთვის და საინფორმაციო საშუალებების მიერ უნდა იყოს გავრცელებული კენჭისყრამდე არა უგვიანეს 7 დღისა.

ყველა მოქალაქეს, რომელმაც მიაღწია 14 წლის ასაკს, უფლება აქვს თითო ხმა მისცეს საპროექტო ინიციატივას. 14-დან 18 წლამდე პირი, ხმას აძლევს იმ ზონაში, სადაც რეგისტრირებულია მისი მშობელი (მეურვე). ასეთ შემთხვევაში 14-დან 18 წლამდე მოქალაქეები ხმის მისაცემად გამოცხადდებიან მშობელთან (მეურვესთან) ერთად, რომელსაც თან უნდა ჰქონდეს პირადობის დამადასტურებელი დოკუმენტი.

მოქალაქეს ხმის მიცემის უფლება აქვს მხოლოდ ზუგდიდის მუნიციპალიტეტის იმ ზონაში ინიცირებულ საპროექტო ინიციატივასთან დაკავშირებით, სადაც იგი არის რეგისტრირებული.

ხმის მიცემის საბოლოო შედეგები გამოვლინდება ქალაქის ბიულეტენების მეშვეობით ჩატარებული ფარული კენჭისყრის შედეგების გათვალისწინებით. გამარჯვებულ საპროექტო ინიციატივებად ჩაითვლება ხმათა უმრავლესობის მქონე ინიციატივები, რომლებიც პრიორიტეტულად დალაგდება მიღებულ ხმათა კლებადობის მიხედვით სანამ მათი ღირებულებების გათვალისწინებით არ ამოიწურება ზონისთვის განკუთვნილი 200 000 (ორასი ათასი) ლარი. იმ შემთხვევაში თუ ამგვარი განაწილების შედეგად ზონებში დარჩა აუთვისებელი თანხები, ისინი დაჯამდება და მოხმარდება იმ პროექტს, რომელმაც მიიღო ყველაზე მეტი ხმა ქალაქის მასშტაბით და ღირებულებით ყველაზე მეტად ესადაგება ჯამურად დარჩენილ თანხას, მაგრამ მხოლოდ მისი ზონისთვის გამოყოფილი თანხით ვერ ხერხდება მისი განხორციელება.

ზონის მიხედვით რამდენიმე პროექტზე ხმათა თანაბარი გადანაწილების შემთხვევაში გადაწყვეტილებას იღებს „სამოქალაქო ბიუჯეტის საბჭო“ პროექტების ავტორებთან ერთად კონსესუსის საფუძველზე თუ რომელი საპროექტო ინიციატივა ჩაითვალოს გამარჯვებულად.

კონკრეტული პროექტისთვის ხმის მიცემამდე მოქალაქე უნდა გაეცნოს შესაბამის ზონაში შემოთავაზებული პროექტების მთელ სიას საბჭოს მიერ წინასწარ მომზადებულ საინფორმაციო დოკუმენტში. პროექტების საინფორმაციო დოკუმენტი უნდა მოიცავდეს თითოეული პროექტის შესახებ შემდეგ ინფორმაციას: პროექტის სათაური, მოკლე აღწერა, ბიუჯეტი, ავტორი/ავტორები, პროექტის ლოკალიზაცია, რა პრობლემის გადაჭრაზე არის მიმართული, განხორციელების ვადა, შესაძლებლობის შემთხვევაში ფოტო/ესკიზი. გაცნობის შემდეგ შესაბამის ზონაში მცხოვრები მოქალაქე ირჩევს პროექტს საარჩევნო ბიულეტენის ქაღალდის ფორმის გამოყენებით საარჩევნო უბნებში.

ზემოთ აღნიშნული პროცედურების განხორციელებას (ხმის მიცემისათვის განკუთვნილ პუნქტში მოქალაქეთა რეგისტრაციას, მათი ხმების დათვლასა და გამარჯვებული პროექტის გამოვლენას პროექტების საბოლოო სიის შესაქმნელად) უზრუნველყოფს ზონებში არსებული საარჩევნო კომისია. საარჩევნო კომისიის მუშაობის ყველა დოკუმენტი წარმოდგენილი იქნება კომისიის ყველა წევრის ხელმოწერითა და ზუგდიდის მუნიციპალიტეტის საკრებულოს ბეჭდით დამოწმებული ოქმების სახით. ხმების დათვლის შედეგები და გამარჯვებული პროექტები გამოქვეყნებული იქნება მუნიციპალიტეტის ოფიციალურ ვებ-გვერდზე 2019 წლის 26 ოქტომბრამდე. კომისიის წევრები შეიძლება იყვნენ: „სამოქალაქო ბიუჯეტის საბჭო“-ს წევრები, არასამთავრობო ორგანიზაციების წარმომადგენლები და მოქალაქეები. დამკვირვებლებად მოწვეული იქნებიან პროექტების ინიციატორთა წარმომადგენლები, არანაკლებ 3 პირი ზონის თითო უბანზე.

V ეტაპი - ბიუჯეტში ასახვა

საბოლოოდ შერჩეული პროექტების სია გამოცხადდება 2019 წლის 26 ოქტომბრამდე. ყველა პროექტი აისახება ზუგდიდის მუნიციპალიტეტის 2020 წლის ბიუჯეტში, რისთვისაც შეიქმნება სამოქალაქო ბიუჯეტის პროგრამა, გაიწერება პროგრამის მიზანი, შუალედური და საბოლოო შედეგები, შედეგების შეფასების ინდიკატორები.

VI ეტაპი - პროექტის განხორციელება, შეფასება და მონიტორინგი

ინფორმაცია შერჩეული პროექტების განხორციელების მიმდინარეობის შესახებ განთავსდება საინფორმაციო სტენდზე მუნიციპალიტეტის ადმინისტრაციულ შენობაში, მუდმივად გაშუქდება მუნიციპალიტეტის ოფიციალურ ვებ-გვერდზე და გავრცელდება სხვა შესაძლო საინფორმაციო არხების მეშვეობით (სოციალური ქსელები, მასმედია). ინფორმაცია ასევე მიეწოდება შესაბამის ზონაში საკრებულოს მაჟორიტარ დეპუტატს, მერის წარმომადგენელს, კოორდინატორებს, რომლებიც უზრუნველყოფენ მოსახლეობის ინფორმირებას პროექტის მიმდინარეობისა და მისი შედეგების შესახებ.

მონიტორინგს ახორციელებს ზუგდიდის მუნიციპალიტეტის საკრებულო.

ზუგდიდის მუნიციპალიტეტის მერია, ზუგდიდის მუნიციპალიტეტის საკრებულო, მრჩეველთა საბჭო და სამოქალაქო ბიუჯეტის საბჭო თავიანთი უფლებამოსილების ფარგლებში ახორციელებენ სამოქალაქო ბიუჯეტის ეფექტურობის შეფასებას, რაც ითვალისწინებს საბიუჯეტო სახსრების მიზნობრივი და ეფექტიანი გამოყენების მონიტორინგს, ანალიზს და კონტროლს. ეფექტურობის შეფასება ხორციელდება შედეგობრივი მაჩვენებლების ანალიზის საფუძველზე, ასევე სხვა ინფორმაციის საფუძველზე, რომელსაც შეიცავს საბიუჯეტო მოთხოვნები, ხარჯთაღრიცხვები და ხარჯთაღრიცხვების შესახებ ანგარიშები.

2020 წლის სამოქალაქო ბიუჯეტის ფორმირების სქემა

1. 2019 წლის 25 ივნისიდან 01 აგვისტოს ჩათვლით - საინფორმაციო კამპანია;
2. 2019 წლის 01 აგვისტოდან 01 სექტემბრის ჩათვლით - პროექტების შემუშავება და შევსებული განაცხადის აპლიკაციის ფორმების მოქალაქის მიერ გაგზავნა „სამოქალაქო ბიუჯეტის საბჭო“-ს ელ. ფოსტაზე: sbzugdidi@gmail.com ან წერილობითი ფორმით ჩაბარება ზუგდიდის მუნიციპალიტეტის საკრებულოს კანცელარიაში მისამართზე: 2100, ქალაქი ზუგდიდი, ზ. გამსახურდიას გამზირი №45;
3. 2019 წლის 01 სექტემბრიდან 01 ოქტომბრის ჩათვლით - პროექტების ვერიფიკაცია „სამოქალაქო ბიუჯეტის საბჭო“-ს მიერ „ზუგდიდის მუნიციპალიტეტის „სამოქალაქო ბიუჯეტი“-ს ფორმირების წესი“-ს საფუძველზე შემუშავებული კრიტერიუმების შესაბამისად;
4. 2019 წლის 01 ოქტომბრიდან 04 ოქტომბრის ჩათვლით - ვერიფიცირებული პროექტების გასაჯაროება;
5. 2019 წლის 04 ოქტომბრიდან 25 ოქტომბრის ჩათვლით დანიშნულ რომელიმე ერთ დღეს - პროექტების შერჩევა მოსახლეობის მიერ;
6. 2019 წლის 25 ოქტომბრიდან 15 ნოემბრამდე - მოსახლეობის მიერ არჩეული პროექტების ზუგდიდის მუნიციპალიტეტის 2020 წლის ბიუჯეტის პროექტში ასახვა ზუგდიდის მუნიციპალიტეტის მერიის საფინანსო-საბიუჯეტო სამსახურის მიერ;
7. ფარული კენჭისყრის საფუძველზე არჩეული პროექტები განხორციელდება ზუგდიდის მუნიციპალიტეტის მერიის სამსახურების მიერ მათი დებულებებით გაწერილი კომპეტენციის ფარგლებში 2020 წლის განმავლობაში.

"მაცხოვრისკარის" ადმინისტრაციული ერთეულის საზღვრები

| N | ქუჩები, შესახვევები, ჩიხები და მათი მონაკვეთები, რომლებიც შედიან ადმინისტრაციულ ერთეულში |
|----|--|
| 1 | ზუგდიდი შ.რუსთაველის ქუჩა ლუწი ნუმერაციით დასაწყისიდან მდ. ჩხოუმამდე |
| 2 | ზუგდიდი ზ.გამსახურდიას გამზირი შ. რუსთაველის ქუჩის გადაკვეთიდან ბოლომდე |
| 3 | ზუგდიდი ი.მეუნარგიას ქუჩა შ. რუსთაველის ქუჩის გადაკვეთიდან ბოლომდე |
| 4 | ზუგდიდი ლაზის ქუჩა შ. რუსთაველის ქუჩის გადაკვეთიდან ბოლომდე |
| 5 | ზუგდიდი ალ. ყაზბეგის ქუჩა შ. რუსთაველის ქუჩის გადაკვეთიდან ბოლომდე |
| 6 | ზუგდიდი მარცხენა სანაპიროს ქუჩა სპ. კედიას ქუჩის გადაკვეთიდან შ. რუსთაველის ქუჩის გადაკვეთამდე |
| 7 | ზუგდიდი მ. კოსტავას ქუჩა დასაწყისიდან შ. რუსთაველის ქუჩის გადაკვეთამდე, აგრეთვე მ. კოსტავას ჩიხი |
| 8 | ზუგდიდი დ. აღმაშენებლის ქუჩა – შესახვევითა და ჩიხით |
| 9 | ზუგდიდი კ.გამსახურდიას ქუჩა – შესახვევებით |
| 10 | ზუგდიდი თავისუფლების ქუჩა – შესახვევებითა და ჩიხით |
| 11 | ზუგდიდი შ.ქირიას ქუჩა |
| 12 | ზუგდიდი რ.თაბუკაშვილის ქუჩა – შესახვევითა და ჩიხებით |
| 13 | ზუგდიდი გამარჯვების ქუჩა |
| 14 | ზუგდიდი თბილისის ქუჩა – ჩიხით |
| 15 | ზუგდიდი სპ. კედიას ქუჩა – შესახვევითა და ჩიხებით |
| 16 | ზუგდიდი ვახტანგ VI ქუჩა |
| 17 | ზუგდიდი შ. კიტას ქუჩა |
| 18 | ზუგდიდი მედეას ქუჩა |
| 19 | ზუგდიდი გრ. ორბელიანის ქუჩა |
| 20 | ზუგდიდი ლ. ჩიქავას ქუჩა – ჩიხით |
| 21 | ზუგდიდი ხეივანის ქუჩა |
| 22 | ზუგდიდი ა. ფირცხალავას ქუჩა |
| 23 | ზუგდიდი ლ. უკრაინკას ქუჩა |
| 24 | ზუგდიდი ჯორჯიაშვილის ქუჩა |
| 25 | ზუგდიდი მ.ჯავახიშვილის ქუჩა – შესახვევით |
| 26 | ზუგდიდი დ. ჭონქაძის ქუჩა |
| 27 | ზუგდიდი ნ. ბარათაშვილის ქუჩა |
| 28 | ზუგდიდი ბაშაურის ქუჩა |

| | |
|----|---|
| 29 | ზუგდიდი პეტრიაშვილის ქუჩა |
| 30 | ზუგდიდი ა. ჩეხოვის ქუჩა |
| 31 | ზუგდიდი მ.ლომონოსოვის ქუჩა – შესახვევით |
| 32 | ზუგდიდი ალ.გრიბოედოვის ქუჩა – შესახვევით |
| 33 | ზუგდიდი პ.ჩაიკოვსკის ქუჩა |
| 34 | ზუგდიდი ნ.დუმბაძის ქუჩა – ჩიხით |
| 35 | ზუგდიდი გორის ქუჩა |
| 36 | ზუგდიდი პ. უბერის ქუჩა |
| 37 | ზუგდიდი პ. ცუცქერიძის ქუჩა |
| 38 | ზუგდიდი ნ. აფაქიძის ქუჩა |
| 39 | ზუგდიდი 8 მარტის ქუჩა |
| 40 | ზუგდიდი მ.დოჩიას ქ. |
| 41 | ზუგდიდი გ. ჭყონდიდელის ქუჩა |
| 42 | ზუგდიდი პირველი მაისის ქუჩა |
| 43 | ზუგდიდი შ.დადიანის ქუჩა |
| 44 | ზუგდიდი ი. ქორთუას ქუჩა |
| 45 | ზუგდიდი ვ. სიჭინავას ქუჩა – შესახვევით |
| 46 | ზუგდიდი ი. გრიშაშვილის ქუჩა |
| 47 | ზუგდიდი ლომთათიძის ქუჩა – შესახვევით |
| 48 | ზუგდიდი ს. ჯანაშიას ქუჩა |
| 49 | ზუგდიდი ვარშავას ქუჩა |
| 50 | ზუგდიდი ივ.თოდუას ქუჩა |
| 51 | ზუგდიდი მ.ლერმონტოვის ქუჩა – შესახვევებით |
| 52 | ზუგდიდი კუბას ქუჩა |
| 53 | ზუგდიდი ნ. ოსტროვსკის ქუჩა |
| 54 | ზუგდიდი გ. ცაბაძის ქუჩა – შესახვევით |
| 55 | ზუგდიდი ჭ.ბენდელიანის ქუჩა – ჩიხით |
| 56 | ზუგდიდი კ.კეკელიძის ქუჩა – შესახვევით |
| 57 | ზუგდიდი აკ.ხორავას ქუჩა |
| 58 | ზუგდიდი ა.ჩიქობავას ქუჩა – შესახვევით |
| 59 | ზუგდიდი ა.როგავას ქუჩა |
| 60 | ზუგდიდი შ. არაგვისპირელის ქუჩა |
| 61 | ზუგდიდი ჭალადიდელის ქუჩა |
| 62 | ზუგდიდი ვაჟა-ფშაველას ქუჩა |

| | |
|----|---|
| 63 | ზუგდიდი გ.ჩიტაიას ქუჩა – ჩიხებით |
| 64 | ზუგდიდი ვ.ჭაბუკიანის ქუჩა |
| 65 | ზუგდიდი მცხეთის ქუჩა |
| 66 | ზუგდიდი შ. ჩილაჩავას ქუჩა |
| 67 | ზუგდიდი ვ.ესებუას ქუჩა |
| 68 | ზუგდიდი რ.ერისთავის ქუჩა |
| 69 | ზუგდიდი ვ. ბარნოვის ქუჩა |
| 70 | ზუგდიდი ივ. კრილოვის ქუჩა – შესახვევით |
| 71 | ზუგდიდი ბ. ბერანძის ქუჩა |
| 72 | ზუგდიდი შ.ხუბულავას ქუჩა დასაწყისიდან მდ. ჩხოუმამდე |
| 73 | ზუგდიდი წითელი ჯვრის ქუჩა |
| 74 | ზუგდიდი მ.ბარამიას ქუჩა |
| 75 | ზუგდიდი ნ.ჟორდანიას ქუჩა – ჩიხით |
| 76 | ზუგდიდი, კ. თათარიშვილის ქუჩა |
| 77 | ზუგდიდი ძ.ლოლუას ქუჩა – ჩიხებით |
| 78 | ზუგდიდი პ.ინგოროყვას ქუჩა – ჩიხით |
| 79 | ზუგდიდი შ.დარასელიას ქუჩა |
| 80 | ზუგდიდი შ.ბიგვავას ქუჩა – შესახვევით |
| 81 | ზუგდიდი გრ.ხანძთელის ქუჩა – ჩიხებით |
| 82 | ზუგდიდი პ.იაშვილის ქუჩა |
| 83 | ზუგდიდი ა. პირველწოდებულის ქუჩა |

"ოდიშის" ადმინისტრაციული ერთეულის საზღვრები

| N | ქუჩები, შესახვევები, ჩიხები და მათი მონაკვეთები, რომლებიც შედიან ადმინისტრაციულ ერთეულში |
|---|--|
| 1 | ზუგდიდი შ.რუსთაველის ქუჩა კენტი ნუმერაციით დასაწყისიდან მდ. ჩხოუმამდე |
| 2 | ზუგდიდი ზ.გამსახურდიას გამზირი დასაწყისიდან შ. რუსთაველის ქუჩის გადაკვეთამდე |
| 3 | ზუგდიდი მ. კოსტავას ქუჩა შ. რუსთაველის ქუჩის გადაკვეთიდან მდ. ჩხოუმამდე |
| 4 | ზუგდიდი მარცხენა სანაპიროს ქუჩა შ. რუსთაველის ქუჩის გადაკვეთიდან ბოლომდე |
| 5 | ზუგდიდი ი.მეუნარგიას ქუჩა დასაწყისიდან შ. რუსთაველის ქუჩის გადაკვეთამდე |
| 6 | ზუგდიდი ლაზის ქუჩა დასაწყისიდან შ. რუსთაველის ქუჩის გადაკვეთამდე |
| 7 | ზუგდიდი ალ. ყაზბეგის ქუჩა დასაწყისიდან შ. რუსთაველის ქუჩის გადაკვეთამდე |

| | |
|----|---|
| 8 | ზუგდიდი ს. დადვანის ქუჩა |
| 9 | ზუგდიდი დ. კლდიაშვილის ქუჩა – ჩიხით |
| 10 | ზუგდიდი ნარმანას ქუჩა |
| 11 | ზუგდიდი თეატრის ქუჩა |
| 12 | ზუგდიდი, ცოტნე დადიანის ქუჩა – შესახვევით |
| 13 | ზუგდიდი წმინდა ნინოს ქუჩა – ჩიხით |
| 14 | ზუგდიდი ეგრისის ქუჩა – შესახვევებით |
| 15 | ზუგდიდი ი. ანთელავას ქუჩა |
| 16 | ზუგდიდი მ.ცისკარიშვილის ქუჩა |
| 17 | ზუგდიდი ე. ნინოშვილის ქუჩა |
| 18 | ზუგდიდი შ.გულუას ქუჩა |
| 19 | ზუგდიდი შ.მოსიას ქუჩა |
| 20 | ზუგდიდი, გ.ღურწკაიას ქუჩა – შესახვევით |
| 21 | ზუგდიდი ბ.სიჭინავას ქუჩა |
| 22 | ზუგდიდი მ. გორკის ქუჩა – შესახვევებით |
| 23 | ზუგდიდი ი.ზარქვას ქუჩა – შესახვევითა და ჩიხით |
| 24 | ზუგდიდი მაცხოვრისკარის ქუჩა |
| 25 | ზუგდიდი ბუდაპეშტის ქუჩა |
| 26 | ზუგდიდი ივ.ჯავახიშვილის ქუჩა – შესახვევებითა და ჩიხით |
| 27 | ზუგდიდი შ.სართანას ქუჩა – შესახვევით |
| 28 | ზუგდიდი წულუკიძის ქუჩა |
| 29 | ზუგდიდი გ. ანთელავას ქუჩა |
| 30 | ზუგდიდი ლ. ბერიას ქუჩა |
| 31 | ზუგდიდი რ.ლალიძის ქუჩა |
| 32 | ზუგდიდი ლ. ქობალიას ქუჩა |
| 33 | ზუგდიდი წმინდა გიორგის ქუჩა |
| 34 | ზუგდიდი ვნუკოვის ქუჩა |
| 35 | ზუგდიდი სოხუმის ქუჩა დასაწყისიდან მდ. ჩხოუმამდე |
| 36 | ზუგდიდი ოდიშის ქუჩა |
| 37 | ზუგდიდი გ. ლეონიძის ქუჩა |
| 38 | ზუგდიდი სამეგრელოს ქუჩა – შესახვევებითა და ჩიხით |
| 39 | ზუგდიდი აკ. ჭანტურიას ქუჩა |
| 40 | ზუგდიდი ზ. ფალიაშვილის ქუჩა |
| 41 | ზუგდიდი სარაჯიშვილის ქუჩა |

| | |
|----|--|
| 42 | ზუგდიდი პ. მელიქიშვილის ქუჩა |
| 43 | ზუგდიდი ცაიშვილის ქუჩა |
| 44 | ზუგდიდი ზაქარაიას ქუჩა – ჩიხით |
| 45 | ზუგდიდი ი.გოროზიას ქუჩა – შესახვევითა და ჩიხით |
| 46 | ზუგდიდი გ. ბრწყინვალეს ქუჩა – შესახვევითა და ჩიხით |
| 47 | ზუგდიდი კ.სამუშიას ქუჩა – ჩიხებით |
| 48 | ზუგდიდი პ.ყურწყუას ქუჩა |
| 49 | ზუგდიდი კ.ჟვანიას ქუჩა – ჩიხებით |
| 50 | ზუგდიდი ბუქარესტის ქუჩა |
| 51 | ზუგდიდი ბაგრატიონის ქუჩა – შესახვევით |
| 52 | ზუგდიდი 25 დეკემბრის ქუჩა |
| 53 | ზუგდიდი კავკასიონის ქუჩა |
| 54 | ზუგდიდი ტექსელის ქუჩა |
| 55 | ზუგდიდი კრასნოდარის ქუჩა |
| 56 | ზუგდიდი აკ.წერეთლის ქუჩა – შესახვევებით |
| 57 | ზუგდიდი შ.აკობიას ქუჩა |
| 58 | ზუგდიდი გ.კარტოზიას ქუჩა |
| 59 | ზუგდიდი ბ.ქებურიას ქუჩა – ჩიხებით |
| 60 | ზუგდიდი ჩოდრიშვილის ქუჩა |
| 61 | ზუგდიდი კიკვიძის ქუჩა |
| 62 | ზუგდიდი გ. სააკაძის ქუჩა |
| 63 | ზუგდიდი ბათუმის ქუჩა |
| 64 | ზუგდიდი ჯ.წურწუმის ქუჩა |
| 65 | ზუგდიდი შ.ჩიტაძის ქუჩა – შესახვევით |
| 66 | ზუგდიდი შევჩენკოს ქუჩა |

"კოლხეთის" ადმინისტრაციული ერთეულის საზღვრები

| N | ქუჩები, შესახვევები, ჩიხები და მათი მონაკვეთები, რომლებიც შედიან ადმინისტრაციულ ერთეულში |
|---|--|
| 1 | ზუგდიდი შ.რუსთაველის ქუჩა მდ. ჩხოუშიდან ბოლომდე, აგრეთვე შ. რუსთაველის ქუჩის შესახვევები და ჩიხები |
| 2 | ზუგდიდი გ. გულუას ქუჩა დასაწყისიდან დ. მეგრელის ქუჩის გადაკვეთამდე |
| 3 | ზუგდიდი დ. მეგრელის ქუჩა ლუწი ნუმერაციით, აგრეთვე დ. მეგრელის შესახვევი |
| 4 | ზუგდიდი ფერდინანდის ქუჩა |

| | |
|----|---|
| 5 | ზუგდიდი ლევან II დადიანის ქუჩა დასაწყისიდან დ. მეგრელის ქუჩის გადაკვეთამდე |
| 6 | ზუგდიდი, შ. მესხიას ქუჩა ლუწი ნუმერაციით სრულად, აგრეთვე კენტი ნუმერაციით ალ. ჭავჭავაძის ქუჩის გადაკვეთიდან ბოლომდე |
| 7 | ზუგდიდი ალ. ჭავჭავაძის ქუჩა ლუწი ნუმერაციით დასაწყისიდან ჟ. შარტავას ქუჩის გადაკვეთამდე |
| 8 | ზუგდიდი ჟ. შარტავას ქუჩა ლუწი ნუმერაციით ალ. ჭავჭავაძის ქუჩის გადაკვეთიდან მდ. კუჩხოზონუმდე |
| 9 | ზუგდიდი სანქტ-პეტერბურგის ქუჩა |
| 10 | ზუგდიდი ფოთის ქუჩა |
| 11 | ზუგდიდი ბაქოს ქუჩა |
| 12 | ზუგდიდი ალ. პუშკინის ქუჩა დასაწყისიდან ჟ. შარტავას ქუჩის გადაკვეთამდე |
| 13 | ზუგდიდი ი. გოგებაშვილის ქუჩა |
| 14 | ზუგდიდი კ. ლესელიძის ქუჩა |
| 15 | ზუგდიდი ჩაჩიბაიას ქუჩა |
| 16 | ზუგდიდი ერეკლე II ქუჩა – შესახვევით |
| 17 | ზუგდიდი რუხაძის ქუჩა |
| 18 | ზუგდიდი ნ. გოგოლის ქუჩა |
| 19 | ზუგდიდი ქუთაისის ქუჩა |
| 20 | ზუგდიდი ფურცელაძის ქუჩა – შესახვევით |
| 21 | ზუგდიდი გაბაშვილის ქუჩა |
| 22 | ზუგდიდი მაია წყნეთელის I შესახვევი |
| 23 | ზუგდიდი ქუჯის ქუჩა – ჩიხით |
| 24 | ზუგდიდი გ.ჩიქოვანის ქუჩა |
| 25 | ზუგდიდი, კოლხიდას ქუჩა – შესახვევით |
| 26 | ზუგდიდი ზ.გამსახურდიას ქუჩა – შესახვევით |
| 27 | ზუგდიდი ჯ. რაფაეას ქუჩა |
| 28 | ზუგდიდი საირმის ქუჩა |
| 29 | ზუგდიდი ერევანის ქუჩა – შესახვევით |
| 30 | ზუგდიდი ა.ხელაიას ქუჩა |
| 31 | ზუგდიდი წაღვერის ქუჩა |
| 32 | ზუგდიდი თამარ მეფის ქუჩა დასაწყისიდან მდ. კუჩხოზონუმდე |
| 33 | ზუგდიდი, ლ. ტოლსტოის ქუჩა ლუწი ნუმერაციით, აგრეთვე ლ. ტოლსტოის ქუჩის შესახვევები |
| 34 | ზუგდიდი ბუკიას ქუჩა |
| 35 | ზუგდიდი ნ. ჯიჭონაიას ქუჩა |
| 36 | ზუგდიდი დგებუაძის ქუჩა |

| | |
|----|---|
| 37 | ზუგდიდი, სოსელიას ქუჩა |
| 38 | ზუგდიდი დ.თავდადებულის ქუჩა – შესახვევითა და ჩიხით |
| 39 | ზუგდიდი თეთრი გიორგის ქუჩა – შესახვევებითა და ჩიხით |
| 40 | ზუგდიდი კ.არსაკიძის ქუჩა |
| 41 | ზუგდიდი კონსტიტუციის ქუჩა |
| 42 | ზუგდიდი ტრეტიაკოვის ქუჩა |
| 43 | ზუგდიდი ს.გოროზიას ქუჩა – შესახვევით |
| 44 | ზუგდიდი ლვოვის ქუჩა |
| 45 | ზუგდიდი ნ. ლომოურის ქუჩა – შესახვევით |
| 46 | ზუგდიდი რიგას ქუჩა |
| 47 | ზუგდიდი ეგ. ფიფიას ქუჩა – შესახვევებით |
| 48 | ზუგდიდი ნ.შანავას ქუჩა |
| 49 | ზუგდიდი შ.ხუბულავას ქუჩა მდ. ჩხოლშიდან ბოლომდე |

"ეგრისის" ადმინისტრაციული ერთეულის საზღვრები

| N | ქუჩები, შესახვევები, ჩიხები და მათი მონაკვეთები, რომლებიც შედიან ადმინისტრაციულ ერთეულში |
|----|---|
| 1 | ზუგდიდი პ. კობახიძის ქუჩა კენტი ნუმერაციით სრულად, ხოლო ლუწი ნუმერაციითი დასაწყისიდან მდ. კუჩხობონუმდე, აგრეთვე პ. კობახიძის I შესახვევი სრულად |
| 2 | ზუგდიდი ჟ. შარტავას ქუჩა კენტი ნუმერაციით დასაწყისიდან მდ. კუჩხობონუმდე, აგრეთვე ლუწი ნუმერაციით დასაწყისიდან ალ. ჭავჭავაძის ქუჩის გადაკვეთამდე |
| 3 | ზუგდიდი ალ. პუშკინის ქუჩა ჟ. შარტავას ქუჩის გადაკვეთიდან ბოლომდე, აგრეთვე ალ. პუშკინის შესახვევი |
| 4 | ზუგდიდი ალ. ჭავჭავაძის ქუჩა კენტი ნუმერაციით სრულად, ხოლო ლუწი ნუმერაციით ჟ. შარტავას ქუჩის გადაკვეთიდან ბოლომდე |
| 5 | ზუგდიდი, შ. მესხიას ქუჩა კენტი ნუმერაციით დასაწყისიდან ალ. ჭავჭავაძის ქუჩის გადაკვეთამდე |
| 6 | ზუგდიდი ლევან II დადიანის ქუჩა დ. მეგრელის ქუჩის გადაკვეთიდან ბოლომდე, აგრეთვე ლევან II დადიანის შესახვევი |
| 7 | ზუგდიდი დ. მეგრელის ქუჩა კენტი ნუმერაციით |
| 8 | ზუგდიდი გ. გულუას ქუჩა დ. მეგრელის ქუჩის გადაკვეთიდან ბოლომდე |
| 9 | ზუგდიდი ი. ვეკუას ქუჩა დასაწყისიდან პ. კობახიძის ქუჩის გადაკვეთამდე, აგრეთვე ი. ვეკუას შესახვევი და ჩიხი |
| 10 | ზუგდიდი მ. კოსტავას ქუჩა მდ. ჩხოლშიდან ბოლომდე |
| 11 | ზუგდიდი სოხუმის ქუჩა მდ. ჩხოლშიდან ბოლომდე, აგრეთვე სოხუმის ქუჩის შესახვევები |

| | |
|----|--|
| 12 | ზუგდიდი ბესიკის ქუჩა |
| 13 | ზუგდიდი ნ. ნიკოლაძის ქუჩა – შესახვევებით |
| 14 | ზუგდიდი ე.ჩარგაზიას ქუჩა |
| 15 | ზუგდიდი დ. გურამიშვილის ქუჩა – ჩიხით |
| 16 | ზუგდიდი მარჯვენა სანაპიროს ქუჩა – ჩიხით |
| 17 | ზუგდიდი ბ.პაიჭაძის ქუჩა |
| 18 | ზუგდიდი გ. ჯიქიას ქუჩა |
| 19 | ზუგდიდი ზ.ბენდელიანის ქუჩა |
| 20 | ზუგდიდი ე. თაყაიშვილის ქუჩა |
| 21 | ზუგდიდი ალ. საჯაიას ქუჩა |
| 22 | ზუგდიდი ტ. ტაბიძის ქუჩა |
| 23 | ზუგდიდი ი. მოსაშვილის ქუჩა – შესახვევებით |
| 24 | ზუგდიდი ა. მირცხულავას ქუჩა |
| 25 | ზუგდიდი დ. ჯიქიას ქუჩა – შესახვევებითა და ჩიხით |
| 26 | ზუგდიდი ბორჯომის ქუჩა – შესახვევებით |
| 27 | ზუგდიდი ივ. მაჩაბელის ქუჩა |
| 28 | ზუგდიდი ბაკურიანის ქუჩა |
| 29 | ზუგდიდი მოსკოვის ქუჩა |
| 30 | ზუგდიდი ვ.დარასელის ქუჩა |
| 31 | ზუგდიდი ივ. ტურგენევის ქუჩა |
| 32 | ზუგდიდი სამგორის ქუჩა |
| 33 | ზუგდიდი ი. ჭავჭავაძის ქუჩა – შესახვევებით |
| 34 | ზუგდიდი ს. ჩიქოვანის ქუჩა – შესახვევით |
| 35 | ზუგდიდი, უნივერსიტეტის ქუჩა |
| 36 | ზუგდიდი ენგურის ქუჩა |
| 37 | ზუგდიდი მ. დემურიას ქუჩა |
| 38 | ზუგდიდი თ. ყუფუნიას ქუჩა |
| 39 | ზუგდიდი ვ.ფიფიას ქუჩა – შესახვევებით |
| 40 | ზუგდიდი მ. ხერგიანის ქუჩა – შესახვევებითა და ჩიხით |
| 41 | ზუგდიდი ტ. გრანელის ქუჩა – შესახვევებითა და ჩიხით |
| 42 | ზუგდიდი ე. მანჯგალაძის ქუჩა – შესახვევებით |

"ენგურის" ადმინისტრაციული ერთეულის საზღვრები

| N | ქუჩები, შესახვევები, ჩიხები და მათი მონაკვეთები, რომლებიც შედიან ადმინისტრაციულ ერთეულში |
|---|--|
| 1 | ზუგდიდი პ. კობახიძის ქუჩა ლუწი ნუმერაციით მდ. კუჩხობონუდან ბოლომდე, აგრეთვე პ. კობახიძის II შესახვევი სრულად |
| 2 | ზუგდიდი ი. ვეკუას ქუჩა პ. კობახიძის ქუჩის გადაკვეთიდან ბოლომდე |
| 3 | ზუგდიდი ჟ. შარტავას ქუჩა მდ. კუჩხობონუდან ბოლომდე, აგრეთვე ჟ. შარტავას შესახვევები და ჩიხი |
| 4 | ზუგდიდი მ. წყნეთელის ქუჩა, აგრეთვე მ. წყნეთელის II და III შესახვევი |
| 5 | ზუგდიდი თამარ მეფის ქუჩა მდ. კუჩხობონუდან ბოლომდე, აგრეთვე თამარ მეფის შესახვევი |

| | |
|----|--|
| 6 | ზუგდიდი, ლ. ტოლსტოის ქუჩა კენტი ნუმერაციით, აგრეთვე ლ. ტოლსტოის ქუჩის ჩიხები |
| 7 | ზუგდიდი 9 მაისის ქუჩა შესახვევითა და ჩიხით |
| 8 | ზუგდიდი მ. მესხის ქუჩა |
| 9 | ზუგდიდი ლ. ქიაჩელის ქუჩა |
| 10 | ზუგდიდი ა. ივერიელის ქუჩა – შესახვევებითა და ჩიხით |
| 11 | ზუგდიდი ვ. ლემონჯავას ქუჩა |
| 12 | ზუგდიდი დ. შენგელაიას ქუჩა – შესახვევებით |
| 13 | ზუგდიდი კ. სერგიას ქუჩა |
| 14 | ზუგდიდი ვოლგოგრადის ქუჩა |
| 15 | ზუგდიდი ვ. სხულუხიას ქუჩა – შესახვევებით |
| 16 | ზუგდიდი ვ. გორგასლის ქუჩა – შესახვევებით |
| 17 | ზუგდიდი ვ. ხორავას ქუჩა – შესახვევით |
| 18 | ზუგდიდი ლ. გუდიაშვილის ქუჩა – ჩიხებით |
| 19 | ზუგდიდი ლაშა გიორგის ქუჩა |
| 20 | ზუგდიდი ფაზისის ქუჩა |
| 21 | ზუგდიდი ნ. ფიროსმანის ქუჩა |
| 22 | ზუგდიდი ოდესის ქუჩა |
| 23 | ზუგდიდი კ. პერტაიას ქუჩა |
| 24 | ზუგდიდი შ. ნუცუბიძის ქუჩა |
| 25 | ზუგდიდი კიევის ქუჩა |
| 26 | ზუგდიდი მალინოვსკის ქუჩა |

| | |
|----|---|
| 27 | ზუგდიდი ი. ხვიჩიას ქუჩა |
| 28 | ზუგდიდი, კ. მარჯანიშვილის ქუჩა |
| 29 | ზუგდიდი გუბაზ მეფის ქუჩა |
| 30 | ზუგდიდი ბ. ჯანაშიას ქუჩა – შესახვევებით |
| 31 | ზუგდიდი მარია და ლეხ კაჩინსკების ქუჩა – ჩიხით |
| 32 | ზუგდიდი ნ. ვაჩნაძის ქუჩა |
| 33 | ზუგდიდი კ. სალიას ქუჩა – შესახვევით |
| 34 | ზუგდიდი ქობულეთის ქუჩა – შესახვევით |
| 35 | ზუგდიდი თ. სახოკიას ქუჩა – შესახვევებით |
| 36 | ზუგდიდი მექალაღმთა ქუჩა – შესახვევით |
| 37 | ზუგდიდი ალ. სუვოროვის ქუჩა – შესახვევით |
| 38 | ზუგდიდი ა. კალანდაძის ქუჩა |
| 39 | ზუგდიდი ს. მეტრეველის ქუჩა – ჩიხით |
| 40 | ზუგდიდი სპეციალისტების ქუჩა – შესახვევებით |
| 41 | ზუგდიდი შენგელიას ქუჩა – შესახვევით |
| 42 | ზუგდიდი, კუტალიას ქუჩა |

სამოქალაქო ბიუჯეტის საპროექტო ინიციატივის განაცხადის ფორმა

სახელი _____ გვარი _____ პ/ნ

| | | | | | | | | | | | |
|--|--|--|--|--|--|--|--|--|--|--|--|
| | | | | | | | | | | | |
|--|--|--|--|--|--|--|--|--|--|--|--|

მისამართი _____

ტელეფონი _____ ელ-ფოსტა: _____

საპროექტო ინიციატივის დასახელება :

პროექტის განხორციელების ადგილის მისამართი და საკადასტრო კოდი ან მისი მახლობელი
საკადასტრო კოდი სიზუსტისთვის. პროექტის სავარაუდო განზომილებითი რაოდენობის მითითებით
(ფართობი, სიგრძე, სიგანე და ა.შ.)

რა პრობლემის გადაწყვეტას ემსახურება თქვენ მიერ წარმოდგენილი საპროექტო ინიციატივა? (მაქსიმუმ
50 სიტყვა)

ვინ არიან საპროექტო ინიციატივის პოტენციური მომხმარებლები (მიუთითეთ რაოდენობებიც)

| | | |
|---|--|--|
| <input type="checkbox"/> 1-6 წლამდე მოქალაქეები (მიუთითეთ სავარაუდო რაოდენობა) — | <input type="checkbox"/> 6-18 წლამდე მოქალაქეები (მიუთითეთ სავარაუდო რაოდენობა) — | <input type="checkbox"/> 18-30 წლამდე მოქალაქეები (მიუთითეთ სავარაუდო რაოდენობა) — |
| <input type="checkbox"/> 30-50 წლამდე მოქალაქეები (მიუთითეთ სავარაუდო რაოდენობა) — | <input type="checkbox"/> 50 წლის ზემოთ (მიუთითეთ სავარაუდო რაოდენობა) — | <input type="checkbox"/> მოწყვლადი ჯგუფი (მაგ. შშმ პირები; მიუთითეთ სავარაუდო რაოდენობა) — |
| სხვა: | | |

საპროექტო ინიციატივის მოკლე დახასიათება - აღწერეთ, თუ რა პროექტის განხორციელება გსურთ, რა უნდა აშენდეს, მოეწყოს, ან რეაბილიტირებულ იქნეს, ან გარემონტდეს. შესაძლებლობის შემთხვევაში წარმოადგინეთ თქვენი ხედვა ვიზუალური სახით: ესკიზი / ფოტო

| | |
|-----------------------|---|
| | <input type="radio"/> საჭიროების შემთხვევაში, გაგრძ. დანართში ... |
| (მაქსიმუმ 300 სიტყვა) | |

პროექტის სავარაუდო ღირებულების წინასწარი შეფასება მისი კომპონენტების მითითებით:
(არსებობის შემთხვევაში წარმოადგინეთ დეტალური ხარჯთაღრიცხვა)

| | |
|----------------------------------|--|
| ივსება პროექტის ინიციატორის მიერ | ივსება სამოქალაქო ბიუჯეტის საბჭოს მიერ |
|----------------------------------|--|

| | |
|--|---|
| 1 | 1 |
| 2 | 2 |
| 3 | 3 |
| 4 | 4 |
| 5 | 5 |
| 6 | 6 |
| საპროექტო ინიციატივის სავარაუდო საერთო ღირებულება: | |

განმცხადებლის დამატებითი აზრი ან შენიშვნა (არსებობის შემთხვევაში მაქსიმუმ 50 სიტყვა)

შევსების თარიღი: 2019 წლის _____

მიღების თარიღი: 2019 წლის _____

კოორდინატორი:

- ფრიდონ ნარმანია (ეგრისი)
 ლელა გიგიბერია (კოლხეთი)
 თენგი კვარაცხელია (მაცხოვრისკარი)
- მკა გვილავა (ოდიში)
 ლაშა ჯიქია (ენგური)

საპროექტო ინიციატივის ავტორის ხელმოწერა: _____

არასრულწლოვანი პროექტის განმცხადებლის შემთხვევაში პასუხისმგებელი პირის მონაცემები:

სახელი _____ გვარი _____ პ/ნ

| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|
| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|

მისამართი _____

ტელეფონი _____ ელ-ფოსტა: _____

მეურვის ხელმოწერა: _____

თანახმა ვარ ჩემი პერსონალური მონაცემი დამუშავდეს საჯარო უწყების მიერ

იმ ტერიტორიულ ერთეულში რეგისტრირებული მხარდამჭერი მოქალაქეების ხელმოწერა, სადაც განხორციელდება პროექტი (მინიმუმ 30 ხელმოწერი)

| სახელი, გვარი | მისამართი | ტელ. ნომერი | ხელმოწერა |
|---------------|-----------|-------------|-----------|
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |

| | | | |
|--|--|--|--|
| | | | |
| | | | |